



Broj: 16-12-16-6387- *12*/21  
I. Sarajevo, *07.10.* 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 05.10.2021. godine, na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-6387/21 od 05.10.2021. godine, u postupku javne nabavke higijensko-potrošnog materijala za potrebe Državne agencije za istrage i zaštitu, direktor Državne agencije za istrage i zaštitu, donosi

### ODLUKU

o izboru najpovoljnijeg ponuđača u postupku javne nabavke  
higijensko-potrošnog materijala za potrebe Državne agencije za istrage i zaštitu  
za LOT 1 i LOT 2

#### Član 1.

U postupku javne nabavke higijensko-potrošnog materijala za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2021. godini broj 16-12-16-6387/21 od 05.10.2021. godine, okvirni sporazum na period od tri godine, dodijeljuje se za:

- LOT-1 - Sukcesivna isporuka higijensko-potrošnog materijala za potrebe Regionalne kancelarije Tuzla, ponuđaču „R&S“ d.o.o. Sarajevo, ponuda broj 16-12-16-6387-7/21 od 23.09.2021. godine, za ponuđenu cijenu u iznosu od 5.258,00 KM bez uračunatog PDV-a, umanjenu prema rezultatima e-aukcije i

- LOT-2 - Sukcesivna isporuka higijensko-potrošnog materijala za potrebe Regionalne kancelarije Mostar, ponuđaču „DEFTER“ d.o.o. Sarajevo, ponuda broj 16-12-16-6387-6/21 od 23.09.2021. godine, za ponuđenu cijenu u iznosu od 5.452,00 KM bez uračunatog PDV-a, umanjenu prema rezultatima e-aukcije.

#### Član 2.

(1) Ponuđači „R&S“ d.o.o. Sarajevo i „DEFTER“ d.o.o. Sarajevo obavezni su ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

#### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

#### Član 5.

Ova odluka stupa na snagu danom donošenja.

### O b r a z l o ž e n j e

Odlukom direktora Agencije broj 16-12-16-6387-1/21 od 07.09.2021. godine pokrenut je postupak javne nabavke higijensko-potrošnog materijala za potrebe Agencije, procijenjene vrijednosti 12.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-232-3-71/21 od 09.09.2021. godine. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2021. godine („Službeni glasnik BiH“, broj 44/21) i Dokumenta okvirnog budžeta 2022.-2024. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Predmet javne nabavke podjeljen je na lotove:

- LOT-1 Sukcesivna isporuka higijensko-potrošnog materijala za potrebe Regionalne kancelarije Tuzla, a prema tehničkoj specifikaciji, procijenjene vrijednosti 6.000,00 KM bez uračunatog PDV-a;
- LOT-2 Sukcesivna isporuka higijensko-potrošnog materijala za potrebe Regionalne kancelarije Mostar, a prema tehničkoj specifikaciji, procijenjene vrijednosti 6.000,00 KM bez uračunatog PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 23.09.2021. godine do 13.00 sati, te da se ponude dostavljaju u zatvorenoj koverti, Komisija je dana 23.09.2021. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle tri ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene tri ponude, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-6387-6/21	„DEFTER“ d.o.o. Sarajevo	23.09.21. g. u 09:38 h
2.	16-12-16-6387-7/21	„R&S“ d.o.o. Sarajevo	23.09.21. g. u 11:57 h
3.	16-12-16-6387-8/21	„INTER-COM“ d.o.o. Zenica	23.09.21. g. u 13:00 h

R.br.	Naziv ponuđača	Ponuđena cijena u KM (bez PDV-a)
1.	„DEFTER“ d.o.o. Sarajevo	LOT-2=5.911,65
2.	„R&S“ d.o.o. Sarajevo	LOT-1=5.862,90
3.	„INTER-COM“ d.o.o. Zenica	LOT-1=5.987,70 LOT-2=5.999,75

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

U cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-6387-10/21 od 30.09.2021. godine obratila ponuđaču „R&S“ d.o.o. Sarajevo sa Zahtjevom za prihvatanje greške računске prirode, u skladu sa članom 17. st. (1), (3) i (5) Uputstva za pripremu modela tenderske dokumentacije i ponuda („Službeni glasnik BiH“, br. 39/14 i 20/15). U konkretnom slučaju, kod imenovanog ponuđača u Tehničkoj specifikaciji higijensko-potrošnog materijala za LOT-1 (Sukcesivna isporuka higijensko-potrošnog materijala za potrebe Regionalne kancelarije Tuzla), Obrascu za cijenu ponude i na Izjavi ponuđača uočena je greška računске prirode. Naime, radi se o tome da je na Obrascu za cijenu ponude LOT-1 Tuzla i Izjavi ponuđača upisana cijena 5.858,59 KM bez uračunatog PDV-a, dok u Tehničkoj specifikaciji za LOT-1 Tuzla ukupan iznos bez PDV-a iznosi 5.862,90 KM, te samim tim cijena upisana na Obrascu za cijenu ponude, Izjavi ponuđača i cijena upisana u Tehničkim specifikacija nije ista. Komisija je zaprimila traženu saglasnost za ispravku računске greške od strane imenovanog ponuđača od 30.09.2021. godine, te s tim u vezi, ponuda ponuđača „R&S“ d.o.o. Sarajevo broj 16-12-16-6387-7/21 od 23.09.2021. godine iznosi 5.862,90 KM bez uračunatog PDV-a.

Tačkom 3.1.4. Konkurentskog zahtjeva predviđeno dostavljanje uzoraka u postupku javne nabavke higijensko-potrošnog materijala za potrebe Regionalne kancelarije Mostar (LOT-2, stavke 19 i 20 iz tehničke specifikacije), koji mora sadržavati isključivo deklaraciju proizvođača na kojoj je jasno napisan sirovinski sastav proizvoda. Deklaracija mora biti sačinjena u skladu sa Zakonom o zaštiti potrošača u Bosni i Hercegovini („Službeni glasnik BiH“ br. 25/06 i 88/15). S tim u vezi, a kako je za navedeni LOT dostavljeno dvije ponude, od strane ponuđača "DEFTER" d.o.o. Sarajevo i „INTER-COM“ d.o.o. Zenica, Komisija je konstatovala da su imenovani ponuđači dostavili tražene uzorke na način predviđen u Konkurentskom zahtjevu. Dalje, Komisija je utvrdila da ponuđači „DEFTER“ d.o.o. Sarajevo, „R&S“ d.o.o. Sarajevo i „INTER-COM“ d.o.o. Zenica ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu.

Kako je tačkom 8.2. Konkurentskog zahtjeva za postupak javne nabavke higijensko-potrošnog materijala za potrebe Agencije predviđeno provođenje e-aukcije u skladu sa Pravilnikom, a imajući u vidu da su od dvije pristigle ponude za LOT-1 obje prihvatljive, te da su od dvije pristigle ponude za LOT-2 obje prihvatljive, Komisija je zakazala e-aukciju za dan 05.10.2021. godine za LOT-1 sa početkom u 11:00 sati, u trajanju od 10 minuta i za LOT-2 sa početkom u 12:00 sati, u trajanju od 10 minuta.

Prema Izvještaju o toku i završetku e-aukcije od 05.10.2021. godine, Komisija je sačinila konačnu rang listu ponuda ponuđača koji su učestvovali u postupku e-aukcije, kako slijedi:

#### LOT-1

R.br.	Naziv ponuđača	Ponuđena cijena bez uračunatog PDV-a	Rang
1.	„R&S“ d.o.o. Sarajevo	5.258,00 KM	1
2.	„INTER-COM“ d.o.o. Zenica	5.358,00 KM	2

#### LOT-2

R.br.	Naziv ponuđača	Ponuđena cijena bez uračunatog PDV-a	Rang
1.	„DEFTER“ d.o.o. Sarajevo	5.452,00 KM	1
2.	„INTER-COM“ d.o.o. Zenica	5.458,00 KM	2

Prema Izvještajima o toku i završetku e-aukcije od 05.10.2021. godine za LOT-1 i LOT-2, Komisija je utvrdila da je za LOT-1 i LOT-2 bilo snižavanja cijene ponuda kao kriterij za dodjelu ugovora, u skladu sa članom 8. Pravilnika.

Nakon provedenog postupka ocijenjivanja dostavljenih ponuda, Komisija je utvrdila da je ponuda ponuđača „R&S“ d.o.o. Sarajevo ocijenjena kao najpovoljnija ponuda za LOT-1, kao i da je ponuda ponuđača „DEFTER“ d.o.o. Sarajevo ocijenjena kao najpovoljnija ponuda za LOT-2, te da iste ne premašuju procijenjenu vrijednost nabavke iz tačke I Odluke o pokretanju postupka javne nabavke higijensko-potrošnog materijala za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od tri godine za LOT-1 dodijeli ponuđaču „R&S“ d.o.o. Sarajevo, a za LOT-2 ponuđaču „DEFTER“ d.o.o. Sarajevo, kako je navedeno u članu 1. ove odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Darko Čulum

